



Općinski načelnik

Broj: 02-14-1975/18

Datum: 17.01.2019. godine

Na osnovu člana 69. st. (1) tačka b) i stava (3) i člana 70. stav (1), (3) i (4) Zakona o javnim nabavkama («Sl. glasnik BiH», br. 39/14), člana 70. Zakona o organizaciji organa uprave u Federaciji Bosne i Hercegovine („Službene novine F BiH“ broj: 35/05), člana 38. stav 1. tačka 6. Statuta Općine Gradačac („Službeni glasnik Općine Gradačac“ broj: 4/08, 5/12, 1/17, 5/18 i 8/18), a u vezi sa Pravnim mišljenjem broj: M-117/2018 od 12.11.2018. godine Općinskog pravobranilaštva Gradačac, u postupku javne nabavke benzina i dizela za potrebe voznog parka Općine Gradačac, Općinski načelnik donosi

ODLUKU

o poništenju postupka javne nabavke benzina i dizela za potrebe voznog parka Općine Gradačac

Član 1.

Poništava se postupak javne nabavke benzina i dizela za potrebe voznog parka Općine Gradačac, evidencijski broj nabavke: 02-14-1975/18 od 15.08.2018. godine, broj Obavještanje o nabavci sa Portala javnih nabavki: 1400-1-1-69-3-48/18 od 17.08.2018. godine.

Član 2.

Za realizaciju ove Odluke zadužuju se Općinska služba za privredu, budžet i finansije i Općinska služba za društvene djelatnosti i boračko-invalidsku zaštitu.

Član 3.

Ova Odluka stupa na snagu danom donošenja i objavit će se na web stranici Općine Gradačac u skladu sa članom 70. Stav (6) Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Dana 30.07.2018. godine Općinska služba za društvene djelatnosti i boračko-invalidsku zaštitu podnijela je Općinskoj službi za privredu, budžet i finansije zahtjev broj: 05/1-13/18 za pokretanje postupka javne nabavke benzina i dizela za potrebe voznog parka Općine Gradačac.

Odlukom broj: 02-14-1975/18 od 15.08.2018. godine pokrenut je postupak javne nabavke benzina i dizela za potrebe voznog parka Općine Gradačac, a dana 17.08.2018. godine pod brojem: 1400-1-1-69-3-48/18 objavljena je javna nabavka na portalu javnih nabavki. Za sprovođenje postupka predmetne javne nabavke odabran je otvoreni postupak uz zaključivanje okvirnog sporazuma nakon sprovedene e-aukcije. Do ostavljenog roka u skladu sa tenderskom dokumentacijom, ponude su dostavili ponuđači: „Arex“ d.o.o. Gradačac, „Energopetrol“ d.d. Sarajevo i „Hifa-petrol“ d.o.o. Sarajevo. Nakon evaluacije ponuda od strane Komisije za javne nabavke Općine Gradačac (dalje: komisija za javne nabavke) i sprovedene e-aukcije, Općinski načelnik je dana 02.10.2018. godine donio Odluku o dodjeli ugovora broj: 02-14-1975/18 (dalje: Odluka o dodjeli ugovora) kojom je, u

skladu sa preporukom Komisije za javne nabavke, ugovor dodijelio ponuđaču koji je ponudio najnižu cijenu (u skladu sa odabranim kriterijem za dodjelu ugovora) „Arex“ d.o.o. Gradačac.

Prije potpisivanja ugovora sa odabranim ponuđačem, kompletan spis je dostavljen Općinskom pravobranilaštvu Gradačac, radi očitovanja o potpisivanju ugovora. Svojim dopisom broj: M-117/2018 od 12.11.2018. godine stavljene su primjedbe na naraspoloživost sredstava u trenutku potpisivanja ugovora u smislu nedovoljno raspoloživih sredstava za predmetnu javnu nabavku i zaključenje ugovora, te iz navedenih razloga nije bilo osnova za zaključenje ugovora.

Naknadnom provjerom raspoloživih sredstava kroz aplikaciju u kojoj se vode finansijska dokumenta Općine Gradačac, uočena je softverska greška pogrešnog prikaza raspoloživih sredstava, a koja grešku je bila izvan kontrole ugovornog organa.

Članom 69. stav (1) tačka b) Zakona o javnim nabavkama propisano je da se postupak javne nabavke može okončati poništenjem postupka javne nabavke, a stavom (3) tačka d) je propisano da ugovorni organ može poništiti postupak javne nabavke zbog dokazanih razloga koji su izvan kontrole ugovornog organa i koji se nisu mogli predvidjeti u trenutku pokretanja postupka javne nabavke.

Obzirom da ugovorni organ nije mogao u trenutku pokretanja postupka javne nabavke predvidjeti gore opisnu okolnost koja je bila izvan kontrole ugovornog organa, odlučeno je kao u dispozitivu ove Odluke.

Pouka o pravnom lijeku: Protiv ovog Rješenja može se izjaviti žalba Uredu za razmatranje žalbi Bosne i Hercegovine u roku od 5 dana od dana njegovog prijema. Žalba se predaje ovom organu pismeno ili putem pošte u tri primjerka.

DOSTAVITI:

1. Ponuđačima – 1x
2. Evidenciji – 1x
3. a/a – 1x

